

قاعة المحكمة _ قضية خطيرة _ يا ترى إيه قصتها _ م علاء حامد

علاء حامد

الحمد لله واشهد ان لا اله الا الله وحده لا شريك له واشهد ان محمدا عبده ورسوله صلى الله عليه وسلم. اما بعد اهلا ومرحبا بكم في لايف جديد. من لايفات يوم الاثنين. نسأل الله سبحانه وتعالى ان يبارك فيكم ويتقبل منا ومنكم صالح الاعمال - [00:00:00](#)
اللهم امين. احنا سامعين اللايف دوت قاعة المحكمة. طبعا ممكن تكونوا اه مش في ناس مش مستوعبة ايه العنوان ده؟ وايه هو موضوع اللي هنتكلم فيه دلوقتي قاعة المحكمة خليني ابدأ لكم بمسال وهتعرفوا به آآ لوحدكم هتستنتجوا انا بتكلم في ايه - [00:00:18](#)

مثال وهو عايزك تتخيل ان احنا ان في واحد يعني مش احنا واحد اه متهم ومزنب يعني مزنب وعرض على قاضي عرض على قادم وهو كان فعلا مذنب يعني. ويستحق العقوبة - [00:00:39](#)
فصاحبنا آآ حكم عليه خلاص. وانتهى الامر وقضي في الايه الموضوع قضي والقاضي حكم بحكم معين طبعا الحكم ده كان فيه عقوبة ما دايم اى متهم في القضايا اللي زي ديت - [00:01:00](#)
بيكون اهم حاجة عنده حتى لو هو خسر الجلسة ديت او ان هو اخذ حكم حكم ما يبقى آآ ان شاء الله منور يا سمس رينا يبارك فيك حبيبي اه يبقى - [00:01:21](#)

كل همه ان هو يطالع بايه يطالع بحاجة مهمة جدا يطالع من الجلسة دي بفرصة تانية. يعني يبقى كل شغله الشاغل وشغل المحامي بتاعه ان احنا ازاي نقدر نعمل استئناف - [00:01:37](#)
ازاي ممكن ناخذ فرصة تانية لمعارضة؟ ان احنا نعارض الحكم او ان احنا ناخذ استئناف معين بحيس ان في الاستئناف او في المعارضة نقدر ناخذ حكم اخف ويمكن يمكن نقدر نسبت نسبة البراءة او او نطلع براءة او او المهم ان انا محتاج - [00:01:55](#)
اخذ فرصة تانية وتبقى الشطارة انت هتقدر تاخذ كام فرصة والقاضي هيديك كام فرصة للمعارضة لغاية ما هتخلص فرص ويثبت الحكم على ما يثبت قدر صاحبنا ان هو ياخذ فعلا فرصة تانية. والقاضي ادى له آآ فرصة او اتنين ان هو يستأنف ويعارض لغاية وقت معين - [00:02:14](#)

هنا يبقى في مهارة تانية يعني يعني مش الفكرة ان انا خدت خدت فرصة تانية يعني مش ده الموضوع الاهم من كل ده ان شغل المتهم دوت الشاغل بين ميعاد الجلسة الاولاني وبين ميعاد الجلسة الثاني - [00:02:38](#)
كل اللي شاغله دلوقتي ازاي يجيب دليل جديد. ازاي؟ يجيب دليل جديد. ازاي حيسبت ان هو مفروض ياخذ حكم اخف مسلا. او حيجيب اوراق جديدة هيجيب ادلة جديدة هيجيب موضوع جديد بحيس ان هو يبقى القاضي معه حاجة جديدة - [00:02:56](#)
تشفع لهذا المتهم فيطلع بحكم اخف او يمكن ياخذ براءة تمام آآ وبالتالي اسف وبالتالي لو المتهم ده تخيلوا بقى صاحبنا دوت قعد ما بين الجلستين ما جابش جديد. ايه المتوقع - [00:03:24](#)
متوقع انه هياخذ نفس الحكم لكن احنا خلينا على الواقع ايه اللي بيحصل في الواقع الواقع ان ان ايه صاحبنا دوت المتهم دوت انا عايزك تتخيل هو بيعمل ايه ما بين الجلستين - [00:04:00](#)

يعني لو ميعاد الجلسة ديت مكان النهاردة وميعاد الجلسة اللي جاية كمان شهر انت متخيل الشهر ده هيقضيه في ايه؟ هيهزر؟ هيلعب هيدلع ولا هيبقى مشغول كل يوم يفكر هو والمحامي وبيدعس ازاي يجيب دليل جديد - [00:04:13](#)
ان هو احسن ان هو عايز حكم مخفف ان هو يطالع براءة متخيل كل يوم بينام ويصحى في ايه؟ اكيد كل همه في الحنة ديت والناس

على فكرة بتحاول ان هي تحفى علشان تاخذ معاد من القاضي - [00:04:35](#)

يعني مسألة ان القاضي يدريك لوحده معاد لآ انت بتطلب الامر دوت وممكن يوافق وممكن ما يوافقش وآ احياناً الناس بتجيب

وسايط وممكن تدفع رشاي عشان تاخذ الميعاد ايه؟ عشان تاخذ الميعاد دوت - [00:04:53](#)

الفكرة ان انا عايز اتخيل المتهم ده هو مقضي الشهر ده ازاي؟ يعني مقضيه كل يوم ما وراهوش حاجة لا هو ولا غير ان هو آ يدور

على جديد او يعمل جديد او يقدم ما يسبت ويفيد انه افضل من - [00:05:09](#)

اللي انت فاهمه عني وده بينقلنا نقلة نوعية بقى شفت البشر بيعملوا ايه البشر القاضي من البشر بصعوبة جدا. اولاً هو لما بيحكم فيك

بيحكم بالعدل تماماً بالورق اللي معه - [00:05:30](#)

ما عندوش حنة الفضل. ما عندوش حنة الاحسان. ما عندوش ان هو يسامحك زائد ان انت تاخذ منه ميعاد تاني علشان تسبت انك

انت احسن ده بصعوبة بمكان. وممكن ما يوافقش - [00:05:51](#)

وممكن ما يغيرش الحكم حتى لو جبت اسبانات جديدة فالدنيا ناشفة دايماً مع البشر. ورغم ذلك احنا كبشر واحنا بنتعامل مع البشر

ببقى فرحانين جدا لو لو القاضي اداك فرصة تانية - [00:06:08](#)

وبتبقى فرحان جدا لو قدرت تجيب اي دليل يخفف لك الحكم ولو حاجة بسيطة بتحس ان انت انتصرت اوي لو نزلنا طلعتنا من

المشهد دوت وتأملنا في الفرق بين معاملة البشر ومعاملة رب العالمين سبحانه وتعالى - [00:06:23](#)

طبعاً انتم كلكم دلوقتي متوقعين اني هتكلم عن شعبان لكن انا هتكلم اه عن شعبان بس في الاخر خالص لكن انا عايز النهاردة اقول

لك على حاجة اعلى من كده. حاجة اعلى من كده - [00:06:43](#)

حاجة اعلى من كده بكتير. الناس بتبص لشعبان على ان هو فرصة في اخر السنة شهر ترفع فيه الاعمال الى الله. وبالتالي هو ده اللي

نركز فيه وهنشغل فيه. تعال اقول لك بقى الصدمة الحضارية الايمانية اللي انت مش حاسس بها - [00:06:55](#)

انك انت اصلاً على ما وصلت لشعبان اه الذي لا تعلمه الذي لا تعلمه ولا تشعر به انك انت ضيقت اسنء السنة ما يزيد عن او ما يقرب

من تنمية وخمسين فرصة او تسعميت فرصة للاستئناف. ايه تاني - [00:07:12](#)

تاني انت ضيقت ما يقرب من تسعميت فرصة للاستئناف احنا كل ده فاكرين كل اللي بيكلمنا عن شعبان هيقولك انت رمضان وده

فرصة ان انت تستأنف وكلام مع ربنا جديد وبتاع واتحسن تمام - [00:07:38](#)

بس انا ايه ايه اللي وصلني للمرحلة ديت يعني انا ايه اللي جابني هنا؟ انا ايه اللي خلاني اوصل لدرجة ان انا جاي في اخر فرصة في

اخر السنة بحاول الحق الموقف - [00:07:55](#)

انا جاي النهاردة اعلمك درس علشان بعد كده ممكن احنا في شعبان اه بس الدرس ده هينفعك في رمضان وبعد رمضان انت اصلاً

اصلاً يا حبيب قلبي انت ضيقت فرص كتير بما يكفي - [00:08:07](#)

كتير جداً الله سبحانه وتعالى هو الملك قاضي السماء سبحانه وتعالى وهذا القاضي اعطاك فرص بدون ان تطلب. يعني مش زي

قاضي الارض انت بتتوسل اليه علشان يدريك فرصة تانية لآ الله سبحانه وتعالى يعطيك فرص كتير جداً للاستئناف - [00:08:25](#)

انت عندك على الاقل في اليوم في فرصتين في لقائين مع القاضي معادين. متخيل في البشر لو خد معاد بعد كذا شهر بيفرح به تخيل

ان انت اصلاً واخذ معادين على الاقل. هقول لك التالت فين. معادين كل يوم مع القاضي لكي تستأنف - [00:08:45](#)

الكلام معه هو انت بتغلط بتاخذ حكم والاستئناف في نفس اليوم ممكن انت تستأنف مرتين في اليوم واتكلموا مرتين في اليوم الله

سبحانه وتعالى قال وهو الذي جعل الليل والنهار خلفه - [00:09:11](#)

لمن اراد ان يتذكر او اراد شكورا وقال النبي صلى الله عليه وسلم في الحديث الصحيح ان الله يبسط يده بالليل ليتوب ايه؟ مسيء

النهار ويبسط يده بالنهار ليتوب ايه؟ مسيء الليل - [00:09:35](#)

حتى تطلع الشمس من مغربها. اذا انا اصلاً عندي في كل يوم لقائين مع الملك لقائين مع القاضي بيقبل فيهم كلام جديد. ويقبل فيهم

ان انا اتناقش واعارض واقدم ادلة جديدة على انني افضل وانني - [00:09:52](#)

يعني اه اه انا اطلب حكمي حكم مخصص وهذه الفكرة عموما فكرة عظيمة في الاسلام الاسلام عندنا قاعدة عظيمة جدا. ان احنا في
آآ الشرع يبحث الانسان ان يوصل للمرحلة ديت. اللي هي انهي مرحلة؟ مرحلة عالية. اللي انا نفسي النهاردة نتعلمها - [00:10:11](#)
خلينا من شعبان دلوقتي انا عايز اطلع بك طلعة عالية. عايز اوصل بك لمرحلة اعلى من كده بكتير احنا عندنا في توجه عام في
الشرع الى ان انا اوصل بالمسلم الى الدرجة الاتية - [00:10:36](#)
ان هو يكون بيحاسب نفسه كل يوم مرتين. ثاني اوصل بالمسلم ان هو يكون بيحاسب نفسه كل يوم مرتين مش بيحاسب نفسه
الشعبان. لأ مش بيحاسب نفسه في رمضان لأ - [00:10:51](#)
هو طبعا هيستفيد من شعبان رمضان. لكن هو اصلا العادي بتاعه كل يوم بيحاسب نفسه مرتين هو ده الشغل العالي بقى. اللي هو
النبي عليه الصلاة والسلام. لما حب يوصي حد من الناس العالية وصاه بكده. مين الناس العالية؟ حد زي ابن عمر - [00:11:10](#)
ابن عمر رضي الله عنه وارضاه واحد عالي جدا. فلما النبي عليه الصلاة والسلام يريد ان هو آآ يدي له وصية اكيد هتبقى وصية على
مستوى الشخص دوت فقال له النبي صلى الله عليه وسلم - [00:11:28](#)
اذا اصبحت فلا تنتظر المساء واذا امسيت فلا تنتظر الايه؟ الصباح. هذه الوصية العظيمة الجامعة اذا اصبحت فلا تنتظر لي المساء.
واذا امسيت فلا تنتظر الصباح وخذ من صحتك لمرضك وخذ من حياتك لموتك - [00:11:45](#)
اذا اصبحت فلا تنتظر المساء هي ديت اللي احنا عايزين نوصل له. انا مش هستنى شعبان. انا مش بستنى اخر السنة. انا اصلا شغال
المود كالاتي. يعني انا عايز تتخيل ان المفروض انا كمسلم اعيش بالنفسية ديت - [00:12:06](#)
ان انا اذا اصبحت لا انتزر المساء بمعنى بمعنى خذ بالظبط ان انا المفترض كمسلم لما بصحى الفجر بصحى الفجر بقول لنفسي وفعلا
كلام بجد مش مش كلام. بقول لنفسي انا - [00:12:22](#)
اكيد اكيد هموت المغرب وكلام جد بينك وبين نفسك. انت مأقلم نفسك على كده ان انت بتصحى الفجر وبتأقلم نفسك انك انت
خلاص انا هموت المغرب خلاص عادي بقى بتتعامل على انك انت ايه هموت المغرب - [00:12:38](#)
وعائش طول اليوم مستني ايه؟ مستني امتي هموت؟ بس يعني هو ده ده ايه؟ ده ده الجو اللي انت عايش فيه. انا خلاص هموت
المغرب فعادي بقى تخيل بقى واحد - [00:12:54](#)
عايش نص يوم كامل ومنتظر امتي هموت هيتعمل ازاي؟ هيتكلم ازاي؟ هيصلي ازاي؟ ده بقى هيعمل صلي صلاة مودع. ده اصلا
صحى الصبح مأقلم نفسه. دي اخر صلاة فجر اخر صلاة ظهر. اخر صلاة عصر في حياتي. اخر صلاة ضحى. اخر اذكار صباح ومساء.
اخر معاملة مع الناس. اخر معاملة مع امي. اخر - [00:13:06](#)
عاملة مع زوجتي اخر معاملة مع جيرانى اخر مرة اخر فرصة ارد فيها المزالم اخر فرصة اصالح فيها اللي انا مخاصمها وعايش على
كده نص يوم كامل مستني امتي هموت - [00:13:31](#)
لغاية ما يبجي ازان المغرب اول ما يبجي ازان المغرب بيتفاجئ ايه ده! انا ما متش طب الحمد لله يبقى ربنا اداني فرصة تانية.
الفرصة التانية دي اللي هي عبارة عن ايه؟ نص يوم. انا ماشي بالايه؟ الوحدة اللي بيعيس بها هي النص يوم - [00:13:47](#)
انا اقول الحمد لله. انا خدت دلوقتي فرصة تانية. نص يوم كمان يا سلام ده كتير جدا يبقى انا ان شاء الله غالبا او اكيد بقى انا هموت
ايه حموت الفجر - [00:14:05](#)
اذا امسيت فلا تنتزر اليه صباح. يبقى انا اكيد اكيد ميت الفجر خلاص الكلام منتهي. هيبنتدي يتعامل فعلا بجد على اساس كده.
بيصلي المغرب فدي اخر مغرب هيصليها في حياته - [00:14:18](#)
بيصلي العشاء ودي اخر صلاة عشاء هيصليها في حياته بيقوم الليل وده اخر قيام ليل هيقومه في حياته تخيل لو واحد زي دوت هل
يتصور يتصور ان هو بيقول لنفسه انا حموت الفجر - [00:14:30](#)
هموت الفجر. تمام؟ هل يتصور ان هو يشوف مسلسل بالليل هل يتصور ان هو يعمل عادة سرية هل يتصور ان هو يشاهد اباحية هل
يتصور ان البنات تكلم ولد بالليل من ورا ابوها - [00:14:45](#)

هل يتصور ان هو يعني يشرب سجائر او او يعمل حاجة شمال او يقعد يسمع في مهرجانات او يقضي الليل في سماع مهرجانات او او اغاني اجنبي او البنت تقعد تسمع آآ اغاني كوري والكلام دوت - [00:15:01](#)

هل ده متصور؟ غير متصور. لو هو فعلا بيعمل كده. اذا امسيت فلا تنتظر الايه؟ فلا تنتظر الصباح بل الجمال بقى. يعني انا باقول لك ده المفروض فاذا ربنا جعل لنا محطتين في اليوم. اذا اصبحت اذا امسيت - [00:15:19](#)

خد بقى الجمال بقى. جمال الجمال الجمال بقى ان الله الله سبحانه وتعالى جعل في الوقتين دول تشريع معين. بيساعدك به على الاعتزاز او خلينا نقولها بكلمة تانية. ان القاضي القاضي نفسه ادى لك المرافعة. يعني مسلا المحامي لما بييجي في جلسة الاستئناف - [00:15:37](#)

ديت بيقى شغله اشتغل ايه الجديد اللي هقوله؟ يعني هقول ايه؟ تمام؟ آآ بيحضر مرافعة قوية عشان يقدر يطلع بحاجة احسن تتخيل ان القاضي نفسه تخيل لو احنا في الدنيا عادي. القاضي - [00:16:00](#)

هو اللي اداك المرافعة وقال لك المرافعة دي انا بقبلها وبتجيب معي وبسامح بها ده انت داخل اصلا نفسيا على القاضي متأكد ان انت هتعدى. هو نفسه اللي اداني ليه؟ اللي اداني المرافعة. زي لما ادم اخطأ عليه السلام - [00:16:14](#)

فاول ادم يخطأ فما بيعرفش يتوب ازاي ربنا علمه. يعني ربنا هو اللي علمه. فتلقى ادم من ربيعه كلمات فتاب عليه. نوى التواب الرحيم. ربنا علمه. قال له قل ظلمنا انفسنا - [00:16:32](#)

وان لم تغفر لنا وترحمنا لا لا كنان من الخاسئين. فقالها ادم. بس يعني قالها بقلبه يعني قال ربنا ظلمنا انفسنا وان لم تغفر لنا وترحمنا لنكونن من الخاسرين ربنا قال فتلقى ادم من ربه كلمات فايه؟ فتاب عليه. وعصى ادم ربه فغوى ثم اجتباه ربه فتاب عليه وايه - [00:16:48](#)

تابع لي وهدى. والعجيب ان هو اللي قال له يقول ايه؟ يعني هو قال له قل كده ولما قال له الموضوع خلص طب ايه بقى نفس الموقف ده بيحصل معك على فكرة. كل يوم بيحصل مرتين. ازاي موقف ادم ده يحصل معي مرتين؟ اه. شبهه بالزبط. ازاي بقى؟ ان ربنا جعل في الوقتين - [00:17:09](#)

دول اللي هم الصباح والمساء او نقول بعد الفجر وبعد العصر جعل هناك تشريع عظيم اللي هو احنا عارفينه باسم اذكار الصباح والمساء. ربنا جعل فيه حاجة بتتعمل في الوقت دوت. اذكار - [00:17:25](#)

قال في الصباح اذكار تقال في المساء. الازكار ديت آآ هي دي المرافعة آآ نقدر نسميها كده دي الاعتذار اللي ربنا اداه لك الهمه لك على لسان الرسول عليه الصلاة والسلام بحيس ان هو بيقول لك قل لي دول - [00:17:39](#)

في الوقت ده ويبقى احنا كده ايه بنخلص نص يوم بنص يوم مع بعض. انت متخيل الجمال؟ يعني القاضي نفسه مديك مواعيد مجاني. من غير ما تطلب. تمام وكمان قال لك في المواعيد ديت تعامل معي ازاي؟ تقول لي ايه في المواعيد ديت؟ ازاي نخلص نقفل الحساب نص يوم بنص يوم والدنيا - [00:17:55](#)

يا تخلص. ايه الجمال دوت؟ هو فيه كده؟ هو هو ايه ده ربنا ودود يا جماعة بيتودد اليك. بيتودد اليك. تخيل تيجي حضرتك اذكار الصباح انت لو اتعاملت معه بالنفسية اللي انا بقول لك عليها ديت هي عبارة ايزك حط كده العنوان دوت اكتبه اكتبه اكتبه اذكار الصباح والمساء هي عبارة عن - [00:18:15](#)

جلسة استئناف جلسة معارضة كل نصف يوم مع الله سبحانه وتعالى اعتذر فيها واقدم فيها جديد الى القاضي لكي يسامحني ويتجاوز عما حصل ويعطيني حكم جديد بس انا عايزك كل مرة تمسك كتيب الازكار الصباح تفتكر الكلمتين دول - [00:18:37](#)

والله هتقرا الازكار بنفسية تانية خالص وهتعيشها بنفسية تانية خالص كمان لما دلوقتي انزل لك الكلام على الازكار هتحس ايه ده! انا اول مرة في حياتي اسمع الازكار كده. انا عمري ما دخلت الازكار كده - [00:19:00](#)

ايوة هي كده هي كده عقلك تتخيل كده ان انت هي الازكار بتقول ايه اصلا؟ انت اصلا اول ما بتخش بتخش كده كانك ايه داخل على القاضي تمام في نص يوم وانا داخل دلوقتي هعمل جلسة. عندي جلسة استئنائية علشان اصلح الامور اللي حصلت في النص يوم

ورزقا طيبا وعملا متقبلا اقبلني. انا راجع. تقبل توبتي وبعد كده بتقرأ اية الكرسي علشان تدفع بها الشيطان. الضرب ده كله جاي لي
منين؟ اكيد جاي لي من شيطان؟ اه - [00:23:19](#)

يبقى انا قراية الكرسي. اقرأ اية الكرسي عشان اتحصن بها واعتصم بها تبقى حماية لي طول اليوم وتدفع عني ليه؟ الشيطان واقراً
كمان المعوزات علشان ربنا يقيني شر الناس شر - [00:23:33](#)

قلق شر الحاسد شر الشيطان شر الوسواس الخناس. عشان كل دي حصون. انا قاعد داخل اليوم عايز ابقى احسن. فانا اكيد الضربة
لما جت لي في النص اللي فات جات لي من الشيطان جات لي من حسد. جات لي بقی من من وسواس من خناس من انس من جن.
فانا الاول ايه؟ تحصينات تحصينات عشان اليوم اللي جاي انا ناوي ابقى - [00:23:47](#)

احسن بدليل يا رب. ادي دليلي اهو. انا باحصن نفسي. وانا لو مش كويس هاحصن نفسي ليه هو انا لو انا عايز انا عايز ابقى وحش
هعمل كده ليه يا رب انا بقراً اية الكرسي اهو. بقراً المعوزات انا جاي انا انا عايز ابقى كويس. وبساعد نفسي اهو بالاذكار بساعد نفسي
بالمعوزات. بساعد نفسي باية - [00:24:07](#)

كرسي بحاول يا رب يا رب اتوسل اليك. ساعدني اكون احسن النص اللي جاي وبعد كده بتلاقي نفسك دخلت على اعظم فقرة اذكار
الصباح والمساء. اعزم فقرة في اذكار الصباح - [00:24:26](#)

والمساء وهي ما نسيمه هو معروف سيد الاستغفار سيد الاستغفار العجيب انه يسمى سيد الاستغفار رغم انه لا يحتوي
على استغفار كسير يعني سيد الاستغفار فيه اقل استغفار ممكن تتخيله - [00:24:42](#)

هو قول فاغفر لي فاغفر لي فانه لا يغفر الذنوب الا انت. طب هو طب ليه بقی سيد الاستغفار؟ انا متوقع ان سيد الاستغفار ده فيه
استغفار كتير. لكن هو الحقيقة ما في هوش استغفار كتير - [00:25:02](#)

طب من اين نال السيادة؟ يعني لما نال السيادة دي بقی سيد الاستغفار. نال السيادة بسبب الديباجة بسبب المرافعة زي ما باقول
لك. بسبب الكلام الجميل اللي اتقدم به الاستغفار. ما هو الاستغفار كلمة. بس فين المقدمات - [00:25:14](#)

فين الديباجة؟ فين العرض الرائع اللي انت عملته والمرافعة الجميلة اللي انت عملتها قبل ما تقدم للقاضي التوسل والاستغفار. هو ده
بينال السيادة. هو ربنا اللي علمه لنا برضو يعني ده العجيب - [00:25:31](#)

تخيل بقی انت داخل على اعظم فقرة في الايه؟ في الازكار وانت بقی بتسلم خلاص وبتقول انا انا جاي اقول اقول لك كلام بقی تاني
جاي اقول كلام بقی اسمعني - [00:25:46](#)

اللهم انت ربي اللهم انت ربي لا اله الا انت انا مقر انا بقول لك ما ليش غيرك. لا اله الا انت خلقتني وانا عبدك. هي حروح فين ليس لي
رب سواك فارجوه. ولا اله غيرك فادعوه. انت الذي تجيب المضطر. انت الذي تكشف الضر. انت الذي تشفي السقيم - [00:25:57](#)

انت احق من عبد واحق من ذكر. وارحم من استرحم وارأف من ملك. انت الذي تجيب المضطر انت رجاء السائلين وامل المؤمنين
خلقتني وانا عبدك اروح فين واقول لك انا على عهدك ووعدك ما استطعت - [00:26:18](#)

ما انا عملت اخري وحاولت وده دي استطاعتي وانا انا عارف ان انا مقصر. يعني اقول لك انا مش هضحك عليك. ما حدش يقدر
يخدع ربنا. ومش هضحك على نفسي. انا في الحقيقة ما عملتش استطاعتي - [00:26:36](#)

انا بقول كده بس وانا على عهدك ووعدك ما استطعت. بس هل اللي انا عملته في النص اليوم اللي فات ده ما استطعت؟ لأ. ابقى
كداب. لان انا استطاعتي كانت اكثر من كده - [00:26:53](#)

وكت اقدر العب احسن من كده وكنت اقدر اعلم اكثر من كده الحقيقة الحقيقة اعوذ بك من شر ما صنعت انت خدت بالك احنا
ماشيين ازاي انت بتقول الاول وانا على عهدك ووعدك ما استطعت. بعد كده تكتشف ان انت ما - [00:27:03](#)

انت انت عملت ما استطعت؟ لأ طب خلاص بقی يعني ما تجملش ما تجودش. اعترف. اعترف. اعوذ بك من شر ما صنعت. انا انا
غلطت كلام منتهي انا فعلا عملت شرح. انا فعلا اسأت. انا فعلا اخطأت. اعوذ بك من شر ما صنعت - [00:27:18](#)

واللي مخليني مستحي منك جدا ومش عارف اتكلم ازاي ان انا بعد نعمك علي في النص يوم وقارن بينها وبين عملي بحيس ان انا انا

مش عارف اكلمك ازاي بس اللي اقدر اقوله لك ان انا معترف مقر ابوء لك بنعمتك علي - [00:27:39](#)

ابوء لك بنعمتك علي وفي نفس الوقت ابوء بزبني ما انا مش هجود ما انا مش هاضحك على مين هخدع مين ما انا لازم اعترف. انت تعلم من غير ما اعترف - [00:27:57](#)

في اي محاولة للخداع الناس هيقولوا يوم القيامة قالوا والله ربنا ما كنا مشركين. ربنا يقول انظر كيف كذبوا على انفسهم انظر كيف كذبوا على مين؟ كذبوا على الله كذبوا على انفسهم وذل عنهم ما كانوا يفترون. انا مش هجود - [00:28:11](#)

انا جاي اقول لك انا قصرت انا فرطت انا استاهل انا اعوذ بك من شر ما صنعت انا ابوء لك بنعمتك علي ما انا ابقى جاحد لو ما ابوء بزبني - [00:28:30](#)

ابوء بزبني نعمتك علي يا جماعة. يا جماعة احنا اكتشفنا ان انت كونك نايم على السرير ومتغطي وفي دفاية دي نعمة رهيبه جدا اما نشوف اخوانا في سوريا تركيا اللي عايشين دلوقتي بلا بيوت وبلا مأوى وفي درجة حرارة اقل من الصفر وفي هزات متتابعة لا تنتهي - [00:28:46](#)

وانت حاطط دماغك كده على السرير وبتقول الازكار تقول الحمد لله الذي كفانا واوانا الحمد لله الذي اطعمنا وسقانا وكفانا واوانا فكم فكم ممن لا كافي له ولا مأوى. ابكي وانت بتقول الدعاء ده وانت بتفتكر اخوانك في كل مكان ليس لهم مأوى وليس لهم كافي - [00:29:08](#)

احنا اكتشفنا بعد كورونا ان انت كونك بتتنفس دي نعمة لما اخوك آآ طالع من العناية المركزة بيقول لك احمد ربنا ان انت بتتنفس. لما زميلتك ماتت الكورونا عرفت ان النفس ده نعمة وهي بتقول لك انا نفسي اخذ نفسي زيكم - [00:29:33](#)

انت معلش كونك بتخش الحمام دي نعمة في ناس مش عارفة تخش الحمام ده غير الاكل والشرب والمطعم غير الاسلام غير الدين غير التدين غير ان ربنا ولدك مسلم. بعض السلف بيقول - [00:29:50](#)

من كان من لم يرى لله عليه نعمة الا في مطعم ومشرب وقد بعد عن الله انت بس شايف نعم ربنا اكل وشرب كونك اتولدت على الاسلام دي بكام؟ - [00:30:09](#)

كونك طلعت من اهل السنة جوة الاسلام دي بكام؟ كونك اتيسر لك دعوة وتيسر لك دروس وتيسر لك محاضرات وتيسر لك حفز قرآن دي بكام؟ دفعت كم لربنا علشان تاخذ الكلام دوت - [00:30:21](#)

كنت ايه عما لك وانت في بطن امك عشان تطلع كده ابوء لك بنعمتك علي وابوء بزبني وابوء ايه؟ بزبني فاغفر لي بقى خلاص ما هي ما لهاش حل غير فاغفر لي - [00:30:37](#)

ما لهاش حل غير فاغفر لي فانه لا يغفر الذنوب الا انت والذين اذا فعلوا فاحشة او ظلموا انفسهم ذكروا الله فاستغفروا لذنوبهم ومن يغفر الذنوب الا الله ولم يصروا على ما فعلوا وهم يعلمون - [00:30:59](#)

وتكمل بقى انت في ازكار الصباح تلاقي نفسك بتقول ايه؟ اعوذ بك من شر نفسي وشر الشيطان وشركه وان اقترب على نفسي سوءا او اجره الى مسلم تمام وبعد كده تسأل الله العافية عافني في بدني عافني في سمعي عافني في بصري لا اله الا انت اعوذ بك من الكفر والفقر اعوذ بك من عذاب - [00:31:15](#)

باب القبر وانت شغال بقى حماية وصيانة لغاية ما تختتم بزكرين من اهم ما يمكن تختتم به بزكرين من اهم ما يمكن اخر زكرين الاولاني بتفوض امرك الى الله يقول يا رب انا عملت انا قلت اهو - [00:31:37](#)

بس في الاخر بفوض امري لك فبتقول سبع مرات سبع مرات حسبي الله لا اله الا هو عليه توكلت وهو رب العرش العظيم سبع مرات ليه دي اهم لقطة دي اهم لقطة - [00:31:57](#)

تمام؟ فان تولوا فقل حسبي الله لا اله الا هو عليه توكلت. ورب العرش العظيم تمام انت ما لكش غير ربنا في الاخر. فتقول يا رب انا اهو انا انا انا ايه عملت شبر اهو. عملت زراع انا انا جاي - [00:32:13](#)

تمام؟ وافوض امري الى الله. ان الله بصير بالعباد. فوقاه الله السيئات ما مكروا. فانت اصلا وانت بتقول حسبي الله دي قلها بقلب قلها

قلها بنية واحد ناوي يبقى كويس وحيسبت للقاضي ان هو كويس بس في الاخر ما لوش غير القاضي نفسه هو اللي هيساعده -

[00:32:27](#)

هي بتقول حسبي الله لا اله الا هو وعليه توكلت ورب العرش العظيم سبع مرات وبعد كده بتختم بايه؟ بتختم بما بدأت به. انك انت

بتقر تاني انك انت بتحب الدين. بتحب الاسلام تحب الرسول - [00:32:44](#)

يقول عليه الصلاة والسلام وانا عايز ابقى كويس انا مش وحش فبتقول اربع مرات اللهم اني اصبحت اشهدك واشهد حملة عرشك.

بص كانك ايه؟ كانك في محكمة وكله واقف بقى - [00:32:59](#)

سوايس ملايكة وشهود وبتاع انت بتصرخ في اخر المرافعة وتقول يا جماعة كله يشهد كله يشهد اللهم اني اصبحت اشهدك واشهد

حملة عرشك وملائكتك وجميع خلقك انك انت الله لا اله الا انت - [00:33:13](#)

وان محمدا عبدك ورسولك. يا سلام! وبتخلص المرافعة باربع مرات تشهد فيها كل اللي قاعدين في القاعة وكل اللي قاعدين في

الجلسة وكل اللي بيسمع واللي ما بيسمعش ان انت عازم ان انت تكون شخص جديد ان انت بتحب هذا الدين وتحب الله وبس بتقول

يا رب ساعدني واقبلني - [00:33:33](#)

تخيلوا بقى انت لو قلت الازكار بالشكل ده ايه الكلام؟ يعني يعني اكيد الموضوع يبقى حلو جدا يعني طبعاً بنبه على حاجة مهمة ان

احنا قلنا الازكار دي بتنتقال امتى - [00:33:54](#)

بعد الفجر وبعد العصر يبقى اذا آآ بديهي انا بكلم اصلا حد بيصلي الفجر وبيصلي العصر لو انت ما بتصليش الفجر او انت ما بتصليش

الفجر قبل الشروق الشمس تمام - [00:34:08](#)

يبقى دي بداية صعبة جدا بداية سودا لليوم. سودا فعلا انت كانك بدأت آآ بدأت اليوم باكبر كبيرة في الاسلام. يعني ترك صلاة الفجر

اشد عند الله من الزئب. تخيلي انت سمعتي ولا يعني لا قدر - [00:34:25](#)

ان شاء الله سمعت واحدة زنت. ايه رأيك؟ صعب جدا. صح ترك صلاة الفجر اشد عند الله من الزنا ترك صلاة الفجر اشد عند الله من

الزنا وشرب الخمر احنا متخيلين - [00:34:45](#)

احنا متخيلين ان احنا آآ بنصحى الصبح انا جاي انت جاي تعمل ايه؟ معلش انت رايح القاضي تعمل ايه؟ انت عامل بالزبط زي ايه؟

زي واحد في في الدنيا تمام؟ ادى له فرصة قال له تجي لي في المعاد الفلاني ادي المرافعة اهي وقلها لي. تمام؟ فعمل ايه صاحبنا؟ ما

راحش اصلا - [00:35:01](#)

ما راحش اصلا. والقاضي هناك منتظره. وهو اللي قال له قال له تعال ودعاه هو ايه ما راحش تخيل ما راحش تخيل موقفه ايه؟ يعني

موقفه من القاضي يقول له انت ما جيتش اصلا انت ما جتتش اصلا - [00:35:21](#)

ده يعني ايه؟ يعني صلاة الفجر دي ان انت جيت. يعني انت صليت الفجر؟ انت جيت بس. انت جيت اهلا وسهلا. يلا نتكلم بقى مع

بعض. لكن انت ما صلتش الفجر - [00:35:38](#)

حاضر قبل الشروق يعني لو صليتوا بعض الشهور انت ما صليتوش برضو تمام؟ يبقى انت ما جتتش انت ما جتتش اصلا انت بدأت

اليوم بدل ما تعتذر بدل ما هتعتزرو ونتفاهم - [00:35:48](#)

بدأت نيلت الدنيا اكثر زودت الكبائر كبيرة واستقبلت يومك باكبر شيه يبغضه القاضي يعني لا يوجد شيه يبغضه الله بعد الكفر اكثر

من ترك الصلاة تخيل انت اول ما استفتحت كده مع القاضي وان انت رايح تعتزرو له - [00:36:02](#)

رحت عملت اكثر حاجة بغضها القاضي بعد الكفر ده الناس في سقر لما اتقال لهم ما سللكم في سقر اول حاجة قالوها ايه؟ قالوا لم

نك من المصلين عرفوا ان دي اخطر حاجة - [00:36:23](#)

وعرفوا ان اشد عذاب شافوه بسبب دي. فاول حاجة طلعت على لسانهم بسرعة كده قالوا هي الصلاة. اكثر مشكلة صلاة ربنا لما بين

العبد الفاسق في سورة القيامة قال فلا صدق ولا ايه؟ ولا صلى - [00:36:38](#)

ما قالش حاجة تانية ما قالش ولا زكى ولا لأ ما هو طالما ما صلاش يبقى ما يبقى ايه؟ يبقى كل حاجة بازت لان الصلاة اذا فسدت ايه؟

زي ما بنقول كده الكلام ما لوش لازمة. انت اصلا جاي من غير صلاة. جاي تعمل ايه انت جاي مفرط في الصلاة انت جاي تعمل ايه وفي شعبان ما بتصليش الفجر. انت عايز ايه؟ انت ناوي على ايه - 00:37:05

انت انت فاهمها ازاى طب يا جماعة فيه قرار هيتاخذ دلوقتي قبل ازكار الصباح والمساء احنا بنصلي الفجر ولا ما بنصليش الفجر حاضر ولا مش حاضر انت بتصلي العصر في وقت ولا ما بتصليهوش ولا بقى راجعة من الكلية فانا بصلي العصر مع المغرب لما بروح. احنا بنهزر - 00:37:17

حاجة اسمها عصر مع مغرب مش موجودة دي تمام يبقى انا اول شيه أتأكد ان انا بصلي الصلوات في وقتها عشان نستفتح ده لسة فيه بعد كده فيه ازكار تمام - 00:37:35

قل لي ده ده يعني بص من عظم الصلاتين دول بالزات يا جماعة نشوف احنا قلنا ايه قلنا ان ان من جمال الموضوع ده ان غير ان ربنا اعطانا ايه؟ اعطانا فرص يبقى دي - 00:37:48

اول حاجة جميلة صح؟ وكمان جعل لنا في الفرص ديت تشريعات صلاة وازكار. وساعدنا وادانا المرافعة زي ما قلت لكم. حط على كده بقى ان هو جعل هناك حدس سماوي ضخم بيحصل في الوقتين دول علشان يشجعك كمان - 00:37:58

يعني ايه الكلام دوت في حدس سماوي هائل هائل. بيحصل في وقت الفجر والعصر اللي هو وقت الجلسة بتاعتك. علشان ربنا يجعل لك شفعاء تاني ربنا جعل حدس ايه؟ حدس سماوي هائل بيحصل في الفجر والعصر - 00:38:17

بحيس يبقى لك شفاعة تعديك ايه هو الحدس السماوي دوت؟ النبي عليه الصلاة والسلام قال قال يتعاقبون فيكم ملائكة. يتعاقبون فيكم ايه ملائكة بالليل والنهار ابن القيم نقل اجماع محمد. نقل اجماع العلماء على هذا المعنى - 00:38:37

يتعاقبون فيكم ملائكة بالليل والنهار. والصلاة هي ركن هي ركن الاسلام الثاني يتعاقبون فيكم ايه؟ ملائكة بالليل والنهار ويجتمعون في صلاة الفجر وفي صلاة العصر احنا عندنا في ورديتين ملائكة - 00:39:02

بينزلوا الفجر وبينزلوا العصر. ناس من الفجر للعصر وناس من العصر للفجر. دولا بيحسوا اعمال العباد كلها ويبصعدوا الى الله يجمعوا كده ايه كل التقارير قال فيجتمعون في صلاة الفجر وفي صلاة الايه؟ العصر. يبقى هم الوردية بتنزل الفجر وبتسلم. الورديات بتسلم تحت - 00:39:30

فبيجتمع الوردية اللي نازلة مع اللي طالعة فين؟ الفجر وفي العصر. اكبر عدد نتجمع في الفجر وفي العصر وبعد كده يصعدون الى الله سبحانه وتعالى. فيسألهم ربهم وهو اعلم كيف تركتم عبادي - 00:39:53

كيف تركتم عبادي؟ وقال يا رب اتيناهم وهم يصلون وتركناهم وهم يصلون ديت آآ حاجة جميلة من ربنا ان هو بيسأل بحيس ان يتقال. يعني يعني بيدك فرصة ان اسمك يتقال - 00:40:08

وده يخلف لك شفاعة عنده فاذا شهدت الملائكة لك تاني اذا شهدت الملائكة لك فلا شك ان هذا له تقدير كبير عند الله سبحانه وتعالى الملائكة بتقول يا رب كان موجود - 00:40:27

كان موجود في فجأة كان موجود في العصر فالكلمة دي لقت الكلمة دي لها تقدير معناها ايه؟ معناها خلاص الولد ده احنا لقيناه يعني. كل ما ننزل نناقيه بيصلي الكلام ايه؟ الكلام معك هيبقى احسن بكثير. يعني اذا ربنا جعل لك كمان سبب اخر - 00:40:46

علشان تعدي هو ان جعل شهود كثير في الفجر والعصر علشان يتقال اسمك عنده من الملائكة المقربة ديت وده يخلي الموضوع ايه احسن بكثير تتخيل كم الرحمات اللي بتحصل لك وانت غافل - 00:41:03

وانت كل يوم بتضيع جلسات وانت كل يوم بتفرط. تمام وانت كل يوم بتقصر. انت كل يوم بتضيع جلسة ولا جلسة ولا جلسة ومستني درس شعبان درس بتاع شعبان انا مش عايز كده - 00:41:23

مش عايز شعبان الجاي اقول لك اهلا وسهلا شعبان لا انا عايزك كل يوم ولما يا جماعة بنخلص الموضوع كله مع ربنا بالنص يوم اسهل ليه انا دلوقتي لما اقعد ازكار الصباح وباستغفر صح - 00:41:42

استغفر من ايه؟ من اللي حصل في النص يوم انا فاكر عملت ايه في نص يوم لكن انا مش فاكر عملت ايه اول امبارح كل ما بتأخر
جلسة المحاسبة والاستغفار كل ما بنسى - [00:41:58](#)

فباجي استغفر بعد ثلاث اربع عشر تيام استغفرت من حاجات وحاجات نسيتهها اصلا ومزالم نسيتهها وده هيخلي الموقف يوم القيامة
صعب وبدا لهم من الله ما لم يكونوا يحتسبون. ليه؟ احصاه الله وياه؟ ونسوه. مزالم بقى كثير ما تابش منها. ما هو مش فاكرها اصلا -
[00:42:16](#)

تمام وربنا سبحانه وتعالى قال ان المجرمين بيقولوا يوم القيامة ايه؟ ما لهذا الكتاب لا يغادر ايه؟ صغيرة ولا كبيرة بدأوا بالصغائر قبل
الكبر رغم ان الكبيرة اخطر من الصغيرة - [00:42:38](#)

لكن لان الصغائر دي اللي ما كانوش عاملين حسابها. ما كانوش فاكرينها مش عاملين حسابها خالص. اللي هو كثير جدا وتفاجئوا
المفاجأة كانت في الصغائر مش في الكبائر فانا لما بخلص الحساب مع ربنا نص يوم بنص يوم اسهل. اول الحساب بيبقى بسيط -
[00:42:52](#)

وببقى فاكر انا عملت ايه انا ممكن اقول لك في نص يوم المعاصي اللي عملتها مش فاكر عملت ايه الاسبوع اللي فات كل ما نأخر كل
ما بنسى حاجات الموضوع هيبقى فيه مفاجآت - [00:43:10](#)

هنلم الدنيا نص يوم بنص يوم كده حلو كده. صلي ليه؟ بيبقى احنا واجب الله ادي واجب اهو. عشان الناس تقول خطة رمضان. واجب
نصلي الفجر نصلي الفجر. الرجالة يصلوا في المسجد والنساء - [00:43:21](#)

يصلوا يصلوا في البيت. المهم قبل الشروق تدرك ايه؟ اول الوقت اتنين هتنتقال ازكار الصباح والمساء بعد الفجر وبعد العصر. ده
افضل وقت. ولو اتأخرت مش مشكلة بس ده افضل وقت - [00:43:33](#)

وتتقلب زي ما انا قلتها لكم كده. زي ما انا علمتكم وزي ما الاحساس اللي انتم حاسينه دوت تمام بعد كده. طيب احنا يا عم احنا
قصرنا فعلا. وجه يوم السبت والحد وانا ايه انسرحت - [00:43:48](#)

في فرصة تانية اه العجيب بقى احنا قلنا ايه؟ احنا قلنا ان انت لو انت ما صلتش الفجر ولا مسلا قصرت في بتاع انت فبالنسبة لقاضي
الدنيا انت ما جتتش - [00:44:03](#)

فدي بالنسبة لقاضي الدنيا مصيبة انت عارف يعني ايه ما تقدرش قاضي؟ قاضي يقول لك انا عامل لك معاد لوحدك تيجي. فما
تروحش ده القاضي ممكن ايه اقفل معك قفلة سودة - [00:44:13](#)

ما تخشوش تاني. يقول لك ده انت ما جتتش العجيب بقى ان الله سبحانه وتعالى ما بيعملش معنا كده العجيب ان انت ممكن تكون
قصرت جمعة وسبت وحد بدل ما يحرمك بديك فرصة تانية. يعني غير فرصة اليوم اللي هي المرتين اليومية - [00:44:27](#)

بيديك فرصة يوم كامل اللي هو ايه؟ يوم الاثنين يعني يعني كل يوم في فرصتين سابيتين. لأ خليني بقى ارجع لك حته استنى
استنى. فاكر لما انا قلت لكم في فرصة تالته في اليوم هقولها لكم. هم في فرصتين اللي هم الفجر والايه - [00:44:45](#)

العصر في فرصة تالته كده على الماشي. الفرصة التالته دي بتبقى في جوف الليل الاخر لما ينزل ربنا بنفسه سبحانه وتعالى يقول هل
من تائب فاتوب عليه؟ هل من مستغفر - [00:45:02](#)

فاغفر له. هل من سائل فاعطيه وعلى ذلك حتى يطلع الفجر. يعني كمان انت ممكن تكون ما جتتلوش في المعاد الاولاني. سجل. ما
جتتلوش في الميعاد الثاني العصر يجي لك ينزل لك هو بالليل يعني متخيل! يعني انت القاضي ما رحتلوش في الميعاد الجلسة فهو
جا لك - [00:45:13](#)

هو نزل لك بنفسه قال لك بنفسه وبيتودد لك وبيقول لك تعالى وبيقول لك انا طول الليل هقعده تلت الليل اقول لك هل من مستغفر؟
هل من تائب؟ هل من سائل؟ ارجع - [00:45:30](#)

وانت ضيعت الفرصة التالته برضو ناوي على ايه بيبقى ادي الواجب التالته النهاردة. قيام ليل الواجب التالته عايزة ركعتين قبل الفجر.
ركعتين قبل الفجر او لو وتر بيقوا ثلاث ركعات او خمس ركعات - [00:45:49](#)

نبدأ نبدأ يا جماعة. استغل الفرص دي ان شاء الله تصلي ربع ساعة قبل الفجر. بس انا عايز ربع ساعة قبل الفجر. صل فيهم ركعتين وبعد كده ثلاث ركعات وخلص - [00:46:07](#)

بس نستغفر فيه انت بقى ضيعت كل ده جمعة سبت حد في الضياع ما تيجي بقى في وقت بدل ما يحرمك تلاقيه بيديك تاني. الله انت بتديني تاني ليه؟ يعني انت بتعمل معي كده ليه - [00:46:18](#)

هو دود يعني هو ودود وهو الغفور الودود. رغم انه زو العرش المجيد يعني هو انت مش محتاجك ولا انت تلزمه ولا هو مستغني عنك اصلا وانت ما لكش اي لازمة - [00:46:34](#)

ربنا قل فمن يملك من الله شيئا ان اراد ان يهلك المسيح ابن مريم ها مش انت المسيح ابن مريم وامه ومن في الارض جميعا ولله ملك السماوات والارض وما بينهما يخلق ما يشاء - [00:46:44](#)

انت ما لكش لازمة. انت انت ما لكش قيمة اصلا قل ما يعبا بكم ربي لولا دعاؤكم. يعني العبادة والدعاء هي دي اللي مخلية لك قيمة تمام يبقى نيجي بقى يوم الاثنين العجيب بدل ما يطردك انت بقى لك ثلاث تيام مقصر معه - [00:46:59](#)

يقول لك يوم الاثنين كله جلسة. ازاي يوم الاثنين والخميس هعمل لك جلستين كمان عشان انت تقدر تيجي تاني. والجلسة دي مطولة بقى. ازاي؟ الجلسة دي من الفجر للمغرب النبي، عليه الصلاة والسلام، قال - [00:47:19](#)

سألون تليه بتصوم الاثنين والخميس قال لان تعرض الاعمال على الله يومي الاثنين والخميس تعرض الاعمال على الله يومي الاثنين والخميس. واحب ان يعرض عملي على الله وانا صائم يبقى اذا في جلسة طويلة طويلة بتحصل يوم الاثنين بنلم فيها كل اللي حصل في نص الاسبوع - [00:47:37](#)

وجلسة طويلة يوم الخميس بيحصل فيها نلم فيها كل اللي حصل الايام اللي فاتت قرار جديد حكم جديد والكلام معك بيختلف يبقى طب ايه احسن حاجة؟ طب طالما الجلسة طويلة كده طول اليوم اعمل ايه؟ ما هي دي عايزة عبادة طويلة - [00:47:58](#)

هي العبادة الطويلة الوحيدة اللي ممكن تتعمل طول اليوم بلا انقطاع صيام. يعني ما فيش حاجة تانية ممكن اعملها تستمر معي من الفجر للمغرب الا الصيام. ما اقدرش اصلي طول اليوم ما اقدرش اصوم طول اليوم آآ ما اقدرش قصدي اذكر ربنا طول اليوم ما

اقدرش اتصدق طول اليوم بس انا عايز ان دايم اكون متلبس بعبادة عشان دي تشفع لي عند ربنا - [00:48:17](#)

فلما ربنا يطلع علي في اي وقت يجدني ايه؟ متلبس بعبادة. ايه هي الحاجة اللي تنفع كده؟ ما فيش غير الصيام فبصوم يبقى ده الواجب الجديد. شف بص احنا ماشيين واجبات اهو. خطة اهي باينة جدا. مش محتاجة تفصيل. صلي الفجر. تصلي العصر تقول لي

الفجر والعصر بس ما قتلناش ليه على الظهر والمغرب والعشاء - [00:48:37](#)

يا اسطى هو الكلام عن الفجر والعصر ليه؟ لان دي اصعب صلاتين في اليوم الفجر بيبقى بعد النوم والعصر في العادة بيبقى بعد نوم ان في العادة الناس اللي يومهم بيبدأ بدري مسلا الناس في القرى وكده ممكن يومهم بيبدأ سبعة. تمام؟ فيبجوا على الساعة واحدة

يروحووا بياكلوا - [00:48:58](#)

ناموا الساعة اتنين. فبيبقى بالنسبة لهم من اصعب الصلوات صلاة الايه؟ العصر. فالفجر والعصر اصعب صلاتين. وكمان العصر بيبجي في الكعبة لو انا مروح من الشغل وانا مروح من الكلية - [00:49:15](#)

بيبقى العصر ثقيل يرجع تعبان مش قادر انزل العصر والعصر ثقيل دايم الفجر والعصر تقال. فاللي قدر ينتصر ويصلي الفجر والعصر اللي هم بيبقوا عادة بعد نوم اسهل حاجة يصلي الظهر والمغرب والعشاء. ما ما لوش فيبقى الواجب بتاعنا الاولاني الصلوات الخمس

في اوقاتها الصلوات الخمس في جماعة للرجال. ازكار الصباح والمساء زي ما قلت لكم - [00:49:25](#)

كده بنفس النفسية والفكرة ان احنا قيام ليل ونحاول نحاول نخليه في ثلث الليل الاخر ولو حاجة بسيطة يعني اقوم بعد العشاء كثير. تمام؟ صلي بعد العشاء حبة حلوين صلي ولو ركعة - [00:49:49](#)

ركعتين ثلاثة لو ما اوترتش في سلس الليل للاخر الواجب الجديد نكثر من الصيام عشان الاثنين والخميس وعشان احنا في شعبان اصلا فالالاثنين والخميس في شعبان وضع تاني. بيجتمع فيه ان هو اتنين وخميس وشعبان. يعني ما ينفعش ما بتهزر انت لو ما صممش

يبقى بتهزر - 00:50:03

انا هو ادي الواجب اهو بتاع الاثنين والخميس. الحديس ان كل اللي الاعمال ترفع يوم الاثنين والخميس لأ مش لازم بالترتيب يا سلمى اه عادي فترفع الاعمال اتنين والخميس يغفر الله لخلقه الا للمتشاحنين - 00:50:25

حلو يبقى معايا فرصة كبيرة الاثنين والخميس اصوم حلو كده كام فرصة فاكرين لما قلت لكم في اول اللايف انت ربنا بيديك في السنة اكثر من تمنية وخمسين فرصة بس انت مش واخذ بالك - 00:50:44

حوالي تسعميت فرصة حوالي تسعميت فرصة انت مضيعهم غير شعبان عندي كل يوم فرصتين ولو قلنا ثلاثة هيبقى الرقم مخيف احنا قلنا اتنين بس اللي هم الفجر والعصر. يبقى ادي بضايح في السنة لوحدها تلتمية خمسة وستين في اتنين يعني بنتكلم في -

00:50:58

اكثر من سبعميت فرصة لو ضربنا في ثلاثة يبقى احنا كده كسرنا الالف خلاص غير ان اصلا في الاسبوع فيه فرصتين اتنين وخميس يعني اتنين وخمسين اسبوع في اتنين اديمية - 00:51:18

يبقى كده انا معدي الالف مستريح. فيه الف فرصة الف جلسة استئناف انت ما استغلتهمش. وجاي تتكلم في شعبان انقله طبعا يا عمار يبقى انا ما ينفعش ابقى مغفل يا جماعة - 00:51:31

انا بقول لكم الكلام ده عشان انا بحبكم استغل عندك اتنين عندك خميس كل اسبوع عندك كل يوم ثلاث فرص فجر وعصر وقيام ليل في الجوف الليل الاخر تعمل ايه - 00:51:46

خلاص انا يا عم قصرت طول السنة اعمل ايه ما عنديش غير شعبان خلاص بقى يبقى انت ما ينفعش نهزر في شعبان خالص يبقى انا مش جاي في شعبان اللي هو ايه آ دي فرصة ده انت ده انت جاي بعد ما - 00:51:59

بعد ايه ؟ بعد ما ضيعت الف فرصة والعجيب ان بعد ما ضيعت الف فرصة مش طردك مش ابغضك اداك فرصة شهر جلسة محاكمة مدتها شهر يعني مش يعني اليوم مسلا فجر عصر فاتني ما لحقتش. اتنين خميس نص يوم لأ - 00:52:10

ده انا هدي لك بقى فرصة ايه ده ايه الجمال ده هو ربنا بيتودد لنا ليه حاجة غريبة والله ايوه يا هيبة والله انسان بيعلم بيحب ربنا جدا ما فيش بشر بيعمل كده. ما فيش حد بيعمل كده. ما فيش حد الا الله هو اللي بيعمل كده - 00:52:37

ينفع واحد يدك فرصة الف مرة وترفضها ويدك فرصة تاني والفرصة اللي بعدهم اكثر من اللي قبلهم وشهر كامل ترفع فيه الاعمال الى الله تعال لي على مهلك. بس اعمل جديد. هات جديد معك - 00:52:53

هي الفكرة في ايه الفكرة ان انا باجي في شعبان ده الفكرة اللي انا قلتها لكم في اول اللايف ان انا واخذ واخذ معاد مع القاضي جديد لو ما جبتش جديد يبقى الكلام ما لوش لازمة - 00:53:13

لو ما جبتش جديد الكلام ما لوش لازمة هتاخذ نفس الحكم ايه الجديد اللي انت جايبه في شعبان؟ ما انا بقول لك لازم جديد عشان كده النبي عليه الصلاة والسلام كان يصوم شعبان الا قليلا - 00:53:25

هو كان بيقول شهر ترفع فيه الاعمال الى الله احب ان يرفع عملي وانا ايه؟ وانا صائم ابو خالي يصوم شعبان الا يصوم كم يوم في شعبان؟ كان النبي عليه الصلاة والسلام يصوم حوالي ممكن ثمانية وعشرين يوم في شعبان - 00:53:40

سبعة وعشرين يوم في شعبان. طب صوم كم يوم هو انت ليه مستكتر انك تعمل زي النبي عليه الصلاة والسلام؟ معلش سؤال هو انت لو ما صمتش في الشتا في عز البرد في اليوم القصير - 00:53:52

وانت ما بتحسش لو عطش ولا بجوع طول اليوم. هتصوم امتي هتصوم امتي؟ تصوم في الصيف! لما شعبان يجي في الصيف تاني! لما رمضان يجي في الصيف تاني احنا هنا من نهزر. ده الصيام هزاز دلوقتي. ميزة كبيرة جدا - 00:54:07

الصيام اسهل ما يمكن انت بتصحى على الظهر اصلا. وتلاقي المغرب جه في سواني ولا والساعة مخلياك ولا حاسس لا بجوع ولا بعطش صم يا عم صم صم كل يوم - 00:54:21

اقل حاجة اقل حاجة صوم يوم الاثنين طب المرحلة اللي بعد كده اتنين وخميس صوم اتنين وخميس في شعبان لا انا

عايز اعلى شوية. صوم اتنين وخميس وصوم الثلاثة البيض. يعني اتنين وخميس ومعهم الثلاثة البيض اللي في النص. اللي هم تلتاشر واربعتاشر وخمستاشر. كده هتجيب معك حوالي اتاشر يوم في الشهر. حلو جدا - [00:54:34](#)

تقول لي لا انا عايز اكرت! يا سلام! يا ريت خلاص نصوم يوم ونفطر يوم. يوم تفطر ويوم تصوم. يوم تفطر ويوم ايه؟ تصوم انا عايز اكرت صم من بكرة لغاية قبل رمضان بيومين - [00:55:00](#)

يلا هو انت لبست اكرت الموضوع دوت مش فاهم يعني ايه ايه المشكلة انك تعمل كده؟ معلش اقف مع نفسك واقفة. ايه المشكلة انما اخذ قرار من بكرة هصوم لغاية قبل رمضان بيومين. ايه المشكلة؟ ايه الصعوبة في كده يعني - [00:55:14](#)

الصيام مية اي مشكلة وانت معلش مع احترامي لا تعرف تصلي كثير ولا هتتعرف تقرا قرآن كثير ولا هتتعرف تتصدق كثير ما لكش غير الصيام وعبادة سهلة وسلكة وجميلة واجرها كبير جدا ومش بتكلف حاجة دي بتوفر فلوس حتى - [00:55:30](#)

تمام الا الصوم فانه لي وانا اجزي به صوم يا عم اللي تقدر عليه صوم اتنين صوم اتنين وخميس. صم يوم وافطر يوم صم كل يوم. كل يوم لغاية قبل رمضان بيومين. يلا ادي الواجب اهو بص انا كل شوية بنزود واجبات اهو - [00:55:51](#)

طيب الواجب اللي بعد كده ايه السلف ما كانوا يشعبان شعبان شهر شعبان شعبان. كانوا بيصوموه ايه - [00:56:09](#)

مين يقول؟ الحديث ده آآ ضعيف يا سما اه ممكن تنضمي يا شيماء عادي. قدمي وان شاء الله يتواصلوا معك صح برفو عليكم ما كانوا بيصوموه شعبان شعبان شعبان كده عادي. كانوا بيصوموه - [00:56:31](#)

شهر القراء الله عليكم يعني بيصوموه شهر قرآن ممتاز اسماء ممتاز ياه يا شيرين ناهد شريف شريف كانوا بيصوموه شهر الايه؟ القراء ليه بقى مكان الدلع بتاعه شهر القرآن - [00:56:53](#)

كانوا بيصوموه دار القراء علشان من كثرة ما كان يقرأ فيه القرآن كان السلف بيطحنوا نفسهم قرآن شهر شعبان. اللهم مش في رمضان بشعبان. وانا لسة هستنى رمضان وانا لسة هاستنى استفتح في رمضان. ده انا من شعبان - [00:57:15](#)

في طحن هيحصل من شعبان كانوا بيقرأوا كثير جدا لدرجة ان بعضهم كان يقفل الحوانين بيقل المحل بتاعه في شعبان عشان يتفرغ للقرآن يبقى ادي واجب كمان ادي الخطة اهي بتكمل اهي - [00:57:35](#)

طلع المصحف بدأ نقرا نقرا كثير مش هتتعرف تقرا كثير من اول يوم. ابدأ النهاردة بجزء كم تلت اربع تيام خليه جزئين. تلت اربع تيام اسبوع خليه تلات انا عايز نفسي اخش رمضان وانت بتقرا تلت تجزاع على الاقل - [00:57:47](#)

بس ده ده التارجت دلوقتي الهدف ان انا على على ما يوصل رمضان يكون بالميت اقل حاجة كنت بقرأ تلات اجزاء في اليوم عشان يوم ما اقول في رمضان هاقراً خمسة ستة سبعة سهلة - [00:58:04](#)

لكن انت بسم الله هبدأ في رمضان ستة سبعة انت بهتجزع ما بيحصلش وكل رمضان ما بيحصلش وكل رمضان بتقول حا حا وتلاقى نفسك رمضان خلص على خاتمة ونص من الاخر. صح ولا غلط؟ معلش صح ولا غلط؟ لازم تردوا علي - [00:58:17](#)

رمضان بيبقى الخطة خمس ختمات. ويبخلص على ختمة ونص بالعافية ولا لا عشان انت ما بدأتش من شعبان. بس الموضوع بسيط يبقى انا عندي هبدأ شعبان على مستويين المستوي الاول قراءة كثير - [00:58:33](#)

المستوي الاول قراءة كثير المستوي الثاني مراجعة الناس اللي نسوا ناسيين ايات من القرآن فرصة المراجعة في الشهر دوت قبل ما يحصل لك الموقف المؤلم. ايه هو الموقف المؤلم - [00:58:56](#)

وهو اللي هيجي رمضان هتنزلي تصلي تراويح. الامام هيقرا ايات كنت حافظها وهتكتشفي ان انت واقفة وناسياها وهتبقى الصلاة بالنسبة لك مؤلمة مؤلمة حد حس الاحساس ده رمضان اللي فات؟ - [00:59:17](#)

تاني حد حس الاحساس المؤلم ده رمضان اللي فات ان انت حافظه مقصرة في المراجعة ناسية كثير صليت ورا الامام قرا الايات اللي انت كنت حافظها واكتشفت ان انت مش عارفة تتابعيه - [00:59:37](#)

ايه فحصل لك الم نفسي رهيب في الصلاة مش زي الناس الناس واقفة مركزة انت واقفة كارهة نفسك فارقة نفسك. انا كنت حافظه

الانعام. بس انا مش عارفة هو بيقرأ فين - 00:59:52

انا كنت حافز الاعراف بس انا مش مش مجمعة دلوقتي حاجة. لو الامام واقف انا مش هكمل تمام؟ انا كنت حافظة يونس. بس انا الدنيا بايظة معي طب ايه رأيكم؟ نصيحة مني انا بحب لكم اللي بحبه لنفسي. ايه رأيكم ما نتألمش الالم ده السنة دي - 01:00:12

ايه رأيكم ايه رأيكم لا نتألم هذا الالم؟ افتكر الالم دوت السنة اللي فاتت قولي لنفسك انا لن اتألم هذا الالم هذا العام ونبتي من النهاردة ورد مراجعة مكسف. حتى لو تعارض مع القرآنية. لا المراجعة اهم من القرآنية. لو عندي تراجع وما تقريش. لو قدرنا نجمع الاتنين ماشي. ما - 01:00:29

ماشي المرة دي عندي اهم نموت نفسنا مراجعة في شعبان علشان اخذ جايزة في رمضان. ايه هي الجايزة في رمضان؟ حصل لي ورا الامام وانا مبسوطة انا مبسوطة اولاً انا الحمد لله الحمد لله ان انا رجعت في شعبان انا الصلاة السنة دي جميلة - 01:00:49

انا راضية عن الصلاة السنة دي. ان انا حاسة مبسوطة جدا. وراجعة يا جماعة. انا عارف الامام بيتكلم فين. انا عارفة الاية اللي جايزة ايه انا مش هتألم الالم ده السنة دي - 01:01:07

انا هموت نفسي مراجعة. من النهاردة قدامي شهر. شهر اجيب اللي انا حافظاه سهلة مش صعبة على فكرة. مش صعبة ممكن اراجع لو الناس ايه هتجيبه. شهر ونخلي مكافأنا في رمضان. وهنكمل مراجعة في رمضان برضو. عادي. ومكافأناك يوم ما تصلي الصلاة. اياها. اللي بالصورة اياها. اللي انت كنت ناسيه - 01:01:18

ولقيت نفسك فاكدة مع الامام؟ ادعي لي في الصلاة ديت ادعي لي ان ربنا يسامحني ويغفر لي ويرضى عني. في الصلاة دي وافتكريني عشان انا اللي نصحتك اتفقنا قل يا ربنا ربنا ربنا يرضى عنك يا شيخ علاء - 01:01:40

انا انا مبسوطة في الصلاة بسببك وانت ساجدة كده ادعي لي اصل انا بحب ما حبلكمش ابد الالم دوت. لان انا زقته مرة في حياتي وبعد كده عزمت الا اتألم هذا الالم لما حييت - 01:01:58

ومن يومها بفضل الله سبحانه وتعالى ما تألمت هذا الالم يبقى فيه مراجعة مراية. طب اللي مراجع احفظ جديد الخاتم الله يسهل لك. اقدر اقرأ بقى كل يوم خمس اجزاء انت مع نفسك - 01:02:13

اخر حاجة هقولها لكم احنا اتفقنا ادي ايه؟ ادي الدنيا ماشية معي اهي احنا اتفقنا ان انا في شعبان عايز جديد صح؟ هو هو الجديد هو الطاعة بس ولا في حاجة اسمها ترك المعصية - 01:02:34

ولا الجديد هو الطاعة بس لأ انا عايز الجديد في ترك المعصية وده اخطر ترك المعصية خطير مهم جدا عند ربنا تعالوا نحط شوية ايه كلمات كده وانت قل لنفسك - 01:02:56

نحب الكلام ده يتقال عليك ولا لأ احنا قلنا النبي عليه الصلاة والسلام كان بيصوم وبيقول واحب ان يرفع عملي وانا ايه؟ وانا صائم انا هقول شوية جمل دلوقتي واكتبوا لي انتم حاسين بايه - 01:03:13

قل لي هل تحب ان يتقال عنك كده في شعبان والاعمال بتعرض والملايكة بتشهد وبيترفع عنك تقارير. يلا يرفع عملك وانت تشاهد الاباحية ايه رأيك في الجملة ديت يرفع عملك - 01:03:29

وانت تسمع اغاني يرفع عملك وانت تخرجين كل يوم بحجاب غير شرعي يفتن الشباب يرفع عملك وانت لا تصلين الفجر يرفع عملك وانت بتسمعي اه اه اغاني كوري يرفع عملك وانت بتتفرجي على نتفليكس - 01:03:54

يرفع عملك وانت بتتفرجي على المسلسلات الشمال اللي بتجيب زنا محارم يرفع عملك وانت بتتفرجي على آآ التيك توك وفيديوهات السخرية والغيبة والاستهزاء يرفع عملك وانت عاقه لامك ولايبك ايه رأيكم في الجمل ديت؟ - 01:04:22

ايه رأيك جملة زي دي اتقال عليك بس انا مش هقول لك تعمل ايه ولا هقول لك تبطل ايه. بس انا عايزك عايزك وعمايزك. المعصية اللي انت عارفها عن نفسك واللي انت بتعملها ومستمر عليها حطها في الجملة ديت - 01:04:43

واكتبها في كراسة وكل ما تفكر تعمل المعصية دي اقرا الجملة ديت. يرفع عملي وانا صدقني مش هتعملها صدقني مش هتعمل هحاول نقول لربنا احنا احسن يا رب يا رب احنا احسن - 01:04:59

يرفع عملك وانا وانت بتكلمي شاب يرفع عملك وانت بتكلم بنت الكلام يبقى فيه حاجات هنبطلها تخيل انا بقى عملت الخطة دي كلها ومشيت معي كده ان شاء الله حاجة كويسة اوي - [01:05:15](#)

هخش رمضان حلو جدا. حلو جدا اقول لكم بس ان ايه حته في الاباحية معلش دي دي بالنسبة لي مهمة واحد عايز يتوب من مشاهدة الاباحية عندك فرصة رهيبة جدا - [01:05:30](#)

رهيبة جدا مش بتتكرر شعبان ورمضان هتطلع من رمضان بطلت الموضوع دوت. ازاي لو قلنا ان انت هتصوم شعبان. حاول تصوم كل يوم في شعبان تقريبا. وهتصوم رمضان خلاص هيبقى دايم مشكلتك مع الاباحية ايه؟ بالليل - [01:05:43](#)

اكيد مش هتعمل حاجة وانت صايم هتبقى المشكلة دايم بالليل بعد العشاء. من العشاء للفجر في رمضان من بعد التراويح لغاية السحور حل بسيط جدا. غير نظام يومك ونام في الوقت ده - [01:06:00](#)

غير نزام يومك نام في الوقت دوت نام بعد العشاء لغاية قرب الفجر كده هتلاقي نفسك عدى عليك شهرين مش عارف تعمل الموضوع دوت. ما فيش وقت اصلا تعمله. بعد شهرين هتلاقي نفسك اتعافيت منه. ونسيته خلاص. بقيت كويس - [01:06:12](#)

حلوة الخطة دي طيب اخيرا شهر شعبان شهر يغفل عنه كثير من الناس. ودي ميزة رهيبة. اللي عايز يتميز يا جماعة يروح لربنا من الباب اللي ما فيش عليه زحمة - [01:06:27](#)

الباب اللي ما فيش عليه زحمة بيبقى العطايا فيه كثير لان ما فيش ناس كثير فكل العطايا بتتوزع على عدد قليل. فبياخدوا كثير اوي صح وحتى الناس العادية لما انت مسلا تقول لناس تعالوا لي في وقت معين فييجي عدد قليل. فما تنساهمش ابدأ تقول انتم كتر خيركم انتم قدرتوني - [01:06:39](#)

ما حدش جا لي. انتم الوحيديين اللي جيتهم. انتم قدرتوني. وتفضل الناس دي لهم تقدير عندك طول حياتك هل ربنا دعا الناس في شعبان؟ فغفل كل الناس وانت ما غفلتس - [01:06:58](#)

وعبدته تخيل بقى تقديرك عند ربنا يبقى ايه يبقى انت مميز رغم ان انت مش مميز ولا حاجة بس انت مميز عشان انا اللي جيت يعني ايه عامل زي اللي طالع الاول على الفصل بس عشان هم كلهم سقطوا - [01:07:09](#)

هو جاب واحد وخمسين بس ده الاول على الفصل. عشان كله سقط. فاحنا عاملين كده يا جماعة. احنا بنيجي شعبان عشان الناس بس في غفلة احنا متميزين. مش عشان انا - [01:07:21](#)

فايز فيعني عندك فرصة تخيل انت عندك فرصة تجيب واحد وخمسين في المية وتبقى الاول على الفصل ايه ده! في حد يضيع فرصة زي دي ولا انت عايز تيجي في رمضان هيبقى فيه مطحنة هناك. هيبقى فيه مطحنة تسابق وحوش. لكن في شعبان عندي فرصة. ان انا اطالع الاول - [01:07:31](#)

رغم ان انا هجيب واحد وخمسين بس بس هطلع الاول لان هو شهر يغفل عنه كثير من الناس. فلو امال لو جبت سبعين امال لو جبت تمانين امال لو جبت تسعين يلا شد حيلك اعمل - [01:07:48](#)

حاجة تتميز بها عند ربنا حتى وانت اصلا خيبة مش عارف تعمل اي حاجة ربنا يبارك فيكم انا بحبكم في الله وانتم عارفين ان انا كل لايف بتك عليكم صح - [01:07:58](#)

ودي طريقتي خلاص بعد كده بس بس انا عارف ان انتم بتحبو كده وعارف ان انتم بتستنتفعا بالموعزة ديت وعارف ان انتم عارفين ان انا بكلمكم يعني من قلبي فعلا بتمنى لكم كل خير والله العزيم - [01:08:11](#)

ما بقولكمش ما بقولش الكلام ده الا للناس اللي باحب لهم الخير اقبلوا مني وسامحوني وخذوا موعزتي وانشروها. وربنا يعلمكم ويرضى عنكم. انا بحبكم في الله وربنا يجمعنا دايم على الخير - [01:08:27](#)

جزاكم الله كل خير. سبحانك اللهم ربنا وبحمدك اشهد ان لا اله الا انت استغفرك واتوب اليك. ربنا يهدينا واياكم ربنا يبلغنا رمضان اللهم امين السلام عليكم ورحمة الله - [01:08:43](#)